

সর্বশ্রেষ্ঠ রচনার ফাউন্ডেশন - স্নেহ

আজ বাপদাদা নিজের শ্রেষ্ঠ রচনা, আত্মাদের দেখে উৎফুল্ল হচ্ছেন। এই শ্রেষ্ঠ বা নতুন রচনা সারা বিশ্বে সর্বশ্রেষ্ঠ এবং অতি প্রিয়, কারণ এই রচনা পবিত্র আত্মাদের। পবিত্র আত্মা হওয়ার কারণে এখন বাপদাদার প্রিয়, নিজের রাজ্যে সবার প্রিয় হবে। দ্বাপরে ভক্তদের প্রিয় দেব আত্মা হবে। এই সময় তোমরা পরমাত্ম-প্রিয় ব্রাহ্মণ আত্মা। আর সত্যযুগে ও ত্রেতায় হবে রাজ্য অধিকারী পরম শ্রেষ্ঠ দৈবী আত্মা এবং দ্বাপর থেকে এখন কলিযুগ পর্যন্ত তোমরা হও পূজ্য আত্মা। তিনের মধ্যে এই সময়ে তোমরা অধিকতম শ্রেষ্ঠ - পরমাত্ম-প্রিয় ব্রাহ্মণ তথা ফরিস্তা আত্মা। এই সময়ের শ্রেষ্ঠত্বের আধারে তোমরা সারা কল্প শ্রেষ্ঠ থাক। দেখছ, এই লাস্ট জন্মেও তোমরা সব শ্রেষ্ঠ আত্মাদের ভক্তরা কতো আহ্বান করছে ! কতো ভালোবাসার সাথে তারা ডাকছে। জড় চিত্র জানা সত্ত্বেও তারা তাদের ভাবনা থেকে পূজা করে, ভোগ অর্পণ করে, আরতি করে। তোমরা ডবল বিদেশি ভাবছ যে আমাদেরই সব চিত্র পূজা হচ্ছে ? বাবার কর্তব্য-কর্ম ভারতে হয়েছে, সেইজন্য বাবার সঙ্গে তোমাদের সবার চিত্র ভারতেই আছে। তারা অধিকাংশ মন্দির ভারতে বানায়। এই নেশা আছে তো যে তোমরাই পূজ্য আত্মা ! সেবার জন্য বিশ্বের চারিদিকে ছড়িয়ে পড়েছিলে ! কেউ আমেরিকা তো কেউ আফ্রিকা পৌঁছে গেছ। কিন্তু কিসের জন্য গেছ ? এই সময় তোমাদের সেবার সংস্কার, স্নেহের সংস্কার আছে। সেবার বিশেষত্বই হলো স্নেহ। যতক্ষণ পর্যন্ত সেবার সাথে তোমাদের অতীন্দ্রিয় স্নেহের অনুভূতি না হবে, ততক্ষণ জ্ঞান কেউ শুনবে না।

যখন তোমরা সব ডবল বিদেশি বাবার হতে এসেছিলে, তোমাদের ফাউন্ডেশন কি ছিল ? বাবার স্নেহ, পরিবারের স্নেহ, হৃদয়ের স্নেহ, নিঃস্বার্থ স্নেহ। এটাই ছিল যা তোমাদের শ্রেষ্ঠ আত্মা বানিয়েছে। সুতরাং, সেবার প্রথম সফলতার স্বরূপ ছিল স্নেহ। যখন স্নেহ বশে বাবার হয়ে যাও, তখন যে কোনও জ্ঞানের পয়েন্ট সহজে স্পষ্ট হয়ে যায়। যারা স্নেহবশে আসে না তারা শুধু জ্ঞান ধারণ করে, অগ্রচালিত হতে সময়ও নেয়, পরিশ্রমও নেয়, কারণ তাদের বৃত্তি 'কেন, কি, এভাবে কীভাবে' - এতেই বেশি চলে যায়। আর যখন স্নেহের মধ্যে ডুবে যাও (লাভলীন), তখন তোমাদের স্নেহের কারণে বাবার প্রতিটা বোল স্নেহী মনে হয়। কোশ্চেন সমাপ্ত হয়ে যায়। বাবার স্নেহ আকর্ষণ করার কারণে তারা যদি কোশ্চেন জিজ্ঞাসাও করে, সেটা কিছু বুঝে নেওয়ার চেষ্টা রূপে করবে। তোমরা অনুভাবী, তাই না ! ভালোবাসায় যারা আত্মহারা হয়ে যায়, তাদের যার প্রতি ভালবাসা থাকে, তার বলা সবকিছুতে ভালোবাসাই নজরে আসবে। সুতরাং সেবার মূল আধার স্নেহ। বাবাও সদাসর্বদা বাচ্চাদের স্নেহে স্মরণ করেন। তিনি স্নেহে ডাকেন, স্নেহে সব সমস্যা থেকে তোমাদের পার করে দেন। সুতরাং, এই ঈশ্বরীয় জন্মের, ব্রাহ্মণ জন্মের ফাউন্ডেশনই স্নেহ। যাদের স্নেহের ফাউন্ডেশন থাকে, তাদের কোনকিছুই কখনো কঠিন ব্যাপার মনে হয় না। স্নেহের কারণে তাদের উৎসাহ-উদ্দীপনা থাকবে। বাবার যা কিছু শ্রীমৎ, আমাদের অনুসরণ করতেই হবে। দেখব, করব, এসব স্নেহী লক্ষণ নয়। বাবা আমার জন্য বলেছেন, আমাকে করতেই হবে। এটাই স্নেহী অনুরাগী (আশিক) আত্মাদের স্থিতি। স্নেহী চঞ্চল হবে না। সদা বাবা আর আমি, তৃতীয় কেউ নয়। বাবা যেমন সর্বাপেক্ষা মহান, স্নেহী আত্মাদেরও সদাই উদার হৃদয়। যাদের সঙ্কীর্ণ-হৃদয় তারা ছোট ছোট ব্যাপারে বিভ্রান্ত হবে। ছোট বিষয়ও বড় হয়ে যাবে। যারা উদার হৃদয় তাদের কাছে বড় বিষয় ছোট হয়ে যাবে। ডবল বিদেশি সবাই তোমরা দরাজদিল, তাই না ! বাপদাদা ডবল বিদেশি সব বাচ্চাকে দেখে আনন্দিত হন। কতো দূর দূরান্ত থেকে এসে পতঙ্গরা বহিঃশিখায় আত্ম-সমর্পণ করতে পৌঁছে যায় ! প্রকৃত পতঙ্গ !

আজ, যারা আমেরিকা থেকে আগত তাদের টার্ন। যারা আমেরিকা থেকে তাদেরকে বাবা বলেন, "আ মেরে।" আমেরিকা থেকে আগতরাও বলে, "আ মেরে।" এটা বিশেষত্ব, তাই না ! বৃক্ষের চিত্রে আদি থেকে বিশেষ শক্তি রূপে আমেরিকাকে দেখানো হয়েছে। যখন থেকে স্থাপনা শুরু হয়েছে আমেরিকাকে বাবা স্মরণ করেছেন। তোমাদের বিশেষ পার্ট, তাই না ! যেমন, বিনাশের শক্তি শ্রেষ্ঠ, অন্য কি বিশেষত্ব আছে ? স্থানের তো বিশেষত্ব আছে। কিন্তু আমেরিকার বিশেষত্ব এটাও - একদিকে বিনাশের প্রস্তুতিও বেশি, অন্যদিকে ওখানে ইউ.এন. আছে বিনাশ সমাপ্ত করার জন্য। একদিকে বিনাশের শক্তি, অপরদিকে সবাইকে মিল-মিশ করানোর শক্তি। তাহলে তো ডবল শক্তি হয়েই গেল, তাই না ! ওখানে সবাই সম্ভাব করানোর জন্য সচেতন, সুতরাং ওখান থেকেই আবার এই অতীন্দ্রিয় মিলনের আওয়াজও তীব্র হবে। সেই সমস্ত লোক তো নিজ রীতিতে সবাইকে ঐক্যবদ্ধ করে শান্তির জন্য সচেতন হয়, কিন্তু যথার্থ রীতিতে ঐক্যবদ্ধ করা তো তোমাদেরই কর্তব্য, তাই না ! তারা ঐক্যবদ্ধ করার চেষ্টা করলেও কিন্তু করতে পারে না। বাস্তবে সব ধর্মের আত্মাদের এক পরিবারে নিয়ে

আসা, তোমরা সব ব্রাহ্মণের বাস্তবিক কর্তব্য। এই বিশেষ কার্য অবশ্যই করতে হবে। যেমন বিনাশের শক্তি ওখানে শ্রেষ্ঠ, তেমনই স্থাপনারও শক্তির আওয়াজ তীর অর্থাৎ স্পষ্ট ও উচ্চরবে হতে দাও। বিনাশ এবং স্থাপনা উভয় পতাকা একসাথে উত্তোলিত হতে দাও। এক সায়েন্সের পতাকা, আরেক সাইলেন্সের। সায়েন্সের শক্তির প্রভাব এবং সাইলেন্সের শক্তির প্রভাব উভয়ই যখন প্রত্যক্ষ হবে তখন বলা হবে প্রত্যক্ষতার পতাকা উত্তোলন করা যেতে পারে। যেমন কোনও ভি. আই. পি. যখন কোন দেশে যায়, তাঁকে স্বাগত জানাতে সর্বত্র পতাকা উত্তোলন করে, তাই না! তারা নিজের দেশেরও পতাকা দেখায় এবং সেই মহান ব্যক্তি যে দেশ থেকে এসেছেন সেই দেশেরও দেখায়। সুতরাং পরমাত্মা-অবতরণেরও পতাকা উত্তোলন হতে দাও। পরমাত্ম-কার্যেরও স্বাগত হতে দাও। যখন প্রতিটা কোনায় কোনায় পরমাত্ম-নিশান উড়বে, তখনই বলবে বিশেষ শক্তি প্রত্যক্ষ হয়েছে। এটা গোল্ডেন জুবিলির বছর, তাই না! সুতরাং গোল্ডেন নক্ষত্র সবাই যেন দেখতে পারে। কোনো বিশেষ নক্ষত্র আকাশে যদি দেখা যায়, তাহলে সবার অ্যাটেনশন সেই দিকে যায়, তাই না! এই গোল্ডেন ঝলমলে নক্ষত্র সবার চোখে, বুদ্ধিতে দৃশ্যমান হওয়া উচিত। এটাই গোল্ডেন জুবিলি উদযাপন করা। এই নক্ষত্র আগে কোথায় উদ্ভাসিত হবে?

এখন বিদেশে বৃদ্ধি ভালো হচ্ছে আর হতেই হবে। বাবার থেকে বিচ্ছিন্ন হওয়া বাচ্চারা যারা কোনে কোনে গুপ্ত হয়ে রয়েছে, তারা সময় অনুসারে সম্পর্কে আসছে। সেবাতে উৎসাহ-উদ্দীপনায় সকলেই পরস্পর পরস্পরের থেকে এগিয়ে যাচ্ছে। সাহসের দ্বারা বাবার সহায়তাও তোমাদের প্রাপ্ত হয়ে যায়। যারা নিরাশ তাদের মধ্যে আশার আলো জ্বলে ওঠে। দুনিয়ার লোকে মনে করে এইরকম হওয়া তো অসম্ভব। খুব কঠিন। তোমাদের একাগ্রতা নির্বিলম্ব বানিয়ে উদ্ভূত বিহঙ্গের মতো উড়িয়ে এখানে পৌঁছে দেয়। ডবল উড়ানে এখানে পৌঁছেছ, তাই না! এক - প্লেন, দুই - বুদ্ধি রূপী বিমান। যখন তোমাদের সাহস ও প্রবল উদ্যমের পাখা থাকে তোমরা যেখানে ইচ্ছে উড়তে পার। বাচ্চাদের সাহসের জন্য বাপদাদা সবসময় তাদের মহিমা করেন। তোমাদের সাহসের কারণে এক দীপক থেকে আরেক দীপক প্রজ্জ্বলিত হয়ে মালা তো তৈরি হয়েই গেছে, তাই না! ভালোবাসার সাথে যে পরিশ্রম করে, তার ফল খুব ভালো বের হয়। এটা সকলের সহযোগের বিশেষত্ব। যে কোনো পরিস্থিতিই হোক না কেন, প্রথমে দৃঢ়তা, স্নেহের সংগঠন প্রয়োজন, তা' থেকেই সফলতা প্রত্যক্ষ রূপে প্রতীয়মান হয়। দৃঢ়তা নিষ্ফলা জমিতেও ফল ফলাতে পারে। আজকাল সায়েন্সটিস্টরা মরুভূমিতেও ফল উৎপাদন করার চেষ্টা করছে। তাহলে সাইলেন্সের শক্তি কি না করতে পারে! যে ভূমি স্নেহ-জল পায় সেখানে অনেক বড় আর সুস্বাদু ফল ফলে। যেমন, স্বর্গে সব বড়-বড়ো ফল ফলে আর খুব টেস্টিং হয়। বিদেশে বড় ফল হয়, কিন্তু টেস্টিং হয় না। ফল দেখতে খুব ভালো হয়, কিন্তু টেস্টিং নেই। ভারতের ফল ছোট হয়, কিন্তু টেস্টিং ভালো হয়। সব ফাউন্ডেশন তো এখানেই পড়ে! যে সেন্টার স্নেহের জল পায় সেই সেন্টার সদা ফলপ্রসূ হয়। সেবাতেও আর সাথীদের মধ্যেও। স্বর্গে শুদ্ধ জল, শুদ্ধ ধরনী হবে, আর সেই কারণেই এমন ফল প্রাপ্ত হয়। যেখানে স্নেহ আছে, সেখানে বায়ুমন্ডল অর্থাৎ ধরনী শ্রেষ্ঠ হয়। সাধারণত: যখন কেউ ডিস্টার্বড থাকে তখন কি বলে! আমার আর কিছু চাই না, শুধু স্নেহ চাই। সুতরাং ডিস্টার্ব হওয়া থেকে বাঁচার সাধনও স্নেহই। বাপদাদার সবচেয়ে বড় খুশি এই বিষয়ের যে হারিয়ে যাওয়া বাচ্চারা আবার এসে গেছে। যদি তোমরা ওখানে না পৌঁছাতে তাহলে সেবা কীভাবে হতো, সেইজন্য বিচ্ছিন্ন হওয়াও কল্যাণকারী হয়ে গেছে। আর মিলন তো সব ক্ষেত্রেই কল্যাণকারী। নিজ নিজ স্থানে সবাই বেশ উৎসাহের সাথে এগিয়ে যাচ্ছে আর সবার মধ্যে এক লক্ষ্য আছে - সব আত্মাকে অনাথ থেকে সনাথ বানানোর বাপদাদার যে একটা আশা আছে, সেই আশা তোমরা পূর্ণ করবে। সবাই মিলে শান্তির জন্য তোমরা প্রোগ্রাম বানিয়েছ, সেটাও ভালো। অন্ততপক্ষে, সবাইকে অল্প সময়ের জন্য সাইলেন্সে থাকার অভ্যাস করানোতে তোমরা নিমিত্ত তো হয়ে যাবে। যদি কেউ সঠিক বিধিতে এক মিনিটও সাইলেন্সের অনুভব করে, তাহলে সেই এক মিনিটের সাইলেন্সের অনুভব বারবার তাকে নিজে থেকেই টানতে থাকবে, কারণ সবাই শান্তি চায়। কিন্তু তারা বিধি জানে না এবং তাদের সেই সঙ্গ লাভ হয় না, অথচ সব আত্মা শান্তিপ্ৰিয়, এমন আত্মাদের যখন শান্তির অনুভূতি হয় তখন তারা নিজে থেকেই আকৃষ্ট হতে থাকে। প্রত্যেক স্থানে নিমিত্ত হওয়া শ্রেষ্ঠ আত্মারা নিজ নিজ বিশেষ কার্য করে। সুতরাং, চমৎকার করা কোনও বড় ব্যাপার নয়। আজকালকার বিশেষ আত্মাদের মাধ্যমেই আওয়াজ ছড়িয়ে দেওয়ার সাধন। যত সেই আত্মারা সম্পর্কে আসে, তাদের সম্পর্কের মাধ্যমে অনেক আত্মাদের কল্যাণ হয়। এক ভি. আই. পি. দ্বারা অনেক সাধারণ আত্মাদের কল্যাণ হয়ে যায়। যেমনই হোক, তারা কাছের সম্বন্ধে তো আসবে না। নিজের ধর্মে, নিজের পার্টে তারা বিশেষত্বের কোন না কোন ফল লাভ করে। যারা সাধারণ বাবা তাদেরই পছন্দ করেন। তারা সময়ও দিতে পারে, তাদের (V.I.P.) তো সময় নেই! যতই হোক, তারা নিমিত্ত হয়, তা' থেকে অনেকের সুবিধা হয়ে যায়। আচ্ছা।

পাটিদের সাথে:-

"সদা অমর ভব"র বরদানী আত্মা - এমন অনুভব কর তোমরা ? সদা বরদানে পালিত হয়ে তোমরা সামনে এগিয়ে যাচ্ছ, তাই না ! বাবার সঙ্গে যার অটুট সম্পর্ক সে অমর ভব'র বরদানী অর্থাৎ অমর হওয়ার বরদান লাভ করে, তারা সদা নিশ্চিত বাদশাহ । কোন কার্যের নিমিত্ত হয়েও নিশ্চিত থাকা তাদের বিশেষত্ব । যেমন, বাবা তো নিমিত্ত হয়েছেন, তাই না ! কিন্তু নিমিত্ত হয়েও তিনি স্বতন্ত্র, সেইজন্য তিনি নিশ্চিত । এইভাবেই ফলো ফাদার । সদা স্নেহের সেফটি দ্বারা সামনে এগিয়ে চলো । স্নেহের আধারে বাবা সদা তোমাদের সেফ করেন এবং সামনে উড়িয়ে নিয়ে যাচ্ছেন । তোমাদের এই আটল নিশ্চয়ও আছে, তাই না ! স্নেহের অধ্যাত্ম সম্বন্ধ জুড়ে গেছে । এই দেহাতীত সম্বন্ধে তোমরা পরস্পরের কতো প্রিয় হয়ে গেছ । বাপদাদা মাতাদের এক শব্দে খুব সহজ বিষয় বলেছেন, শুধু এক শব্দ স্মরণ কর, "আমার বাবা ।" যেইমাত্র বলো আমার বাবা, তোমাদের সব রক্ত ভান্ডার প্রাপ্ত হয় । এই বাবা শব্দই রক্ত ভান্ডারের চাবি । মাতারা চাবি খুব ভালো সামলে রাখতে পারে, তাই না ! তাইতো বাপদাদাও চাবি দিয়েছেন । যে ভান্ডারই চাইবে পেয়ে যাবে । একটা ভান্ডারের চাবি নয়, সব ভান্ডারের চাবি আছে । ব্যস্ ! শুধু বাবা- বাবা বলতে থাক, তাহলে এখনও বালক তথা মালিক আর ভবিষ্যতেও মালিক হয়ে যাবে । আচ্ছা ।

বরদান:- নিশ্চয়ের অখন্ড সেবা দ্বারা নশ্বর ওয়ান ভাগ্য বানিয়ে বিজয়ের তিলকধারী ভব*
যারা নিশ্চয়বুদ্ধি বাচ্চা তারা কখন কীভাবে বা এভাবে -এর বিস্তারে যায় না । তাদের নিশ্চয়ের অটুট রেখা অন্য আত্মাদেরও স্পষ্ট প্রতীয়মান হয় । তাদের নিশ্চয়ের রেখার লাইন মাঝখানে খন্ডিত হয় না । যাদের এমন রেখা থাকে তাদের মস্তকে অর্থাৎ স্মৃতিতে সদা বিজয়ের তিলক নজরে আসবে । তারা জন্মানোর সাথে সাথেই সেবার দায়িত্বের মুকুটধারী হবে । তারা সদা জ্ঞানরঞ্জে খেলবে । সদা স্মরণ আর খুশির দোলায় দুলতে দুলতে জীবন অতিবাহিত করবে । এটাই নশ্বর ওয়ান ভাগ্যের রেখা ।

স্লোগান:- বুদ্ধিরূপী কম্পিউটারে ফুলস্টপের যতিচিহ্ন থাকা অর্থাৎ প্রসন্নচিত্ত থাকা ।*